

廣東通志

卷四

內閣文庫		
函	冊	號
二 九	六 九	三 九
		漢書類

內閣文庫		
函	冊	號
二 九	六 九	三 九
		漢書類
(口口六才)		

內閣文庫		
番號	漢	3969
冊數	692 (500)	
函號	291	97

100



廣東通志卷第四

淺草文庫

事紀二

晉 南朝 隋

晉世祖武皇帝太康元年春三月壬申晉伐吳克之

廣州牧滕脩刺史閻豐降晉書脩討馬未克而王師

而皓已降乃縞素流涕而還與廣州刺史閻豐蒼梧

太守王毅各送印綬詔以脩為安南將軍廣州牧持

節都督如故封武當侯加鼓吹委以南方事夏四月

兼侍中張側黃門侍郎朱震分使揚粵慰其初附

太康二年冬滕脩大破郭馬廣州平晉書滕脩數討


廣謂曰南岸仰吾鹽鐵斷勿與市皆壞為田詔定

如此二年可一戰而滅也脩從之至是果破賊詔定

兵防珠禁晉書吳既平晉滅州郡兵冠軍將軍陶璜

卒本七千餘人南上溫濕多有氣毒加累年死亡滅

耗過半此州之人識義者寡厭其安樂好為禍亂又



廣州南岸周旋六千餘里不賓服者乃五萬餘戶及
桂林不羈之輩復當萬戶至於服從官役總五千餘
家二州唇齒惟兵是鎮又寧州與占接壤上流去交
趾郡下六百里水陸並通未宜約損以示單虛又合
浦郡上地磽确無有田農百姓唯以採珠為業商賈
去來以珠貨米而吳時珠禁甚嚴慮百姓私散好珠
禁絕來去人以饑困又所調猥多限每不充今請上
珠三分輸二次者輸一蠲者蠲除自十月訖二月非
採生養之時聽商旅復以滕脩為廣州刺史○省珠
往來如舊上並從之

厓入合浦郡○以始興郡屬廣州晉志又改合浦屬國都尉立寧浦郡

太康八年春二月廣州大中正王範上交廣二州春

秋○冬十一月海安令蕭輔反州郡兵討平之晉書高興

郡海安縣今電白○輔聚眾反雷化縣動州郡兵討捕獲之輔與其黨皆伏誅

太康九年夏四月辛酉南海地震○滕脩卒脩嘗仕吳故卒

不書其官

孝惠皇帝元康元年春正月以中庶子諸葛京為廣

州刺史蜀志京丞相忠武侯亮之孫也父瞻兄尚鄧艾伐蜀時戰死晉受魏禪詔錄其臨難死義

署京郡令尚書僕射山濤啓事補東宮舍人遷中庶子至是除廣州刺史平越中郎將假節為政推誠待

物有租風烈錡弓馬夏五月熒惑入南斗晉書占曰

從事亦虛懷從之吳越其後石冰寇揚州嶺海大震

元康九年冬十月以王毅為廣州刺史晉書毅吳末

至是為刺史蒞政練達甚得南越之情

太安二年春正月熒惑入南斗晉書與元康同占一云天子出走是年七

月河間王騃犯京師帝出奔舍于豆田十一月揚州秀才周玘前南平內史王矩前吳興內史顧秘起義

軍以討石冰冰退自臨淮趣壽陽江南震恐蓋南斗
相衡故秦越皆有大兵漢初五星聚東井而南
越偏霸其蒙福亦以相衡故也天人之際微哉

永興二年冬十一月王毅卒晉書時右將軍陳敏反

毅病卒語在本傳

光熙元年春以襄城太守稽含為廣州刺史鎮南司

馬郭勳殺含于襄陽晉書含字君道侍中紹之從子

為劉喬所破含奔鎮南將軍劉弘於襄陽弘待以上

賓之禮王毅既卒弘表含為廣州刺史會弘卒時或

疑含將為己官受之時年四十四含好學能屬

文有集傳世懷帝即位謚曰惠
孝懷皇帝永嘉元年以始興郡屬湘州○以南平太

守王矩為廣州刺史晉書矩毅之子也為南平太守

廬陵矩率兵聲討與弟機往機年十七率眾擊破之

矩豫有功遷廣州刺史將赴職忽見一人持奏謁矩

自云杜靈之矩問之答稱天上京兆被召
使君為主簿矩意甚惡之至州月餘卒

永嘉五年春蜀賊杜弢據湘州刺史荀眺來奔晉書

人杜弢在湘州賊眾共推弢為主自稱刺史攻破州

縣刺史荀眺棄城走廣州刺史郭訥遣兵討弢

反為所敗會鄭詹上書請宥弢罪帝從之乃
使前南海太守王運受弢降宣詔赦其黨與廣州刺

史郭訥遣始興太守嚴佐率眾攻弢逆擊破之

永嘉六年王澄將王機據廣州晉書機故刺史王毅

儻有度量常慕王澄澄亦雅知之以為成都內史會

澄遇害機懼禍以其父毅兄矩皆嘗為廣州刺史乃

就王敦求廣州敦不許會廣州人皆刺史郭訥迎機

為刺史機遂將奴客門生千餘人入廣州州部將温

邵率衆迎機敦遣將軍郭幽追之及於廬陵機叱幽曰何以敢來欲取死耶幽不敢逼而歸訥聞邵之納機也乃遣兵擊邵反爲所破訥又遣機父兄時吏之咸倒戈迎機訥衆皆散乃挫節而避機機遂入城就訥求節訥嘆曰昔蘇武不失其節前史以爲美談此天朝所假義不相與自可遣兵來取之機慚而止時杜弼之弟弘奔臨賀送金數千兩與機求討桂林賊以自效機爲聞于上朝廷許之

孝愍皇帝建興三年春二月杜弼殺前南海太守王

運荆州刺史陶侃擊弼破之通鑑王敦遣陶侃等討弼請降於丞相睿

乃使前南海太守王運受弼降赦其反逆之罪以弼爲監軍弼既受命諸將猶攻之不已弼不勝憤怒遂

殺運復反侃進兵破弼秋八月廣州刺史陶侃討王機

平之晉書瑯琊王睿以王敦爲鎮東大將軍都督江揚荆湘交廣六州軍事敦嬖人錢鳳疾陶侃之功屢毀之敦左轉侃爲廣州刺史時王機自以盜據

廣州懼爲敦所討乃更求交州會杜弼將杜弘詣機

降敦以機難制欲因機討交州賊梁碩遂轉機爲交

州刺史碩自領交趾太守發兵拒之機住鬱林不得

進於是機與弘溫邵及交州秀才劉沉俱謀還據廣

州陶侃至始興州人皆言宜觀察形勢不可輕進侃

不聽及至州諸郡縣皆已迎機矣弘遣使僞降侃知

其詐先於封口起發石車俄而弘率輕兵至知侃有

備乃退侃追擊破之執劉沉於小桂斬之機遣牙門

屈藍還州詐言增糧密招誘所部欲以拒侃侃即收

藍斬之遣督護許高討機走之機病死于道斬首傳

京師諸將皆請乘勝擊溫邵侃笑曰吾威名已著何

事遣兵但一函紙自足耳於是下書諭之冬江揚流

邵懼而走追獲於始興又斬之廣州遂定

民入廣州詔撫賑之交廣記江揚二州經石冰陳敏

中宗孝元皇帝太興元年冬十月加刺史侃平南將

軍通鑑春正月漢兵東略弘農太守宋哲奔建康稱

受愍帝詔令丞相瑯琊王睿統攝萬機春即晉王

位大赦改元尋加陶侃平南將軍時匈奴劉聰稱黃

帝陷沒長安上意欲振勵諸將以侃有功故有是命

侃在廣州無事輒朝運百甓於齋外暮運百甓於齋內人問其故答曰吾方致力中原過爾優逸恐不堪事故自勞耳

末昌元年春王敦反刺史侃遣參軍高寶討之晉書

移檄遠近陳王敦肆逆率所統致討遣參軍羅英至廣州與陶侃刻期陶侃得卓信即遣參軍高寶率兵北下事終不克詔以侃領湘州刺史

王敦上侃復還廣州加散騎常侍

肅宗明皇帝大寧元年春刺史侃遣兵討交州賊梁

碩不克通鑑王敦以王諒為交州刺史使殺新昌太守梁碩舉兵圍龍編侃遣兵救交州未至

碩殺諒夏六月侃遣參軍高寶討梁碩斬之通鑑梁碩

不夫衆心侃遣參軍高寶攻碩斬之詔以侃領交州刺史進號征南大將軍開府儀同三司未幾吏部郎

阮放求為交州刺史許之放行至寧浦遇高寶為寶設饌伏兵殺之寶兵擊放放走得免至州少時病死

大寧二年夏五月以陶侃為荊州刺史王舒為廣州

刺史舒不拜六月徙為湘州以劉顛代之晉書荊州

平王敦逆黨詔以陶侃代舒以舒為安南將軍都督廣州諸軍事廣州刺史舒疾病不樂越嶺朝議亦以

舒有功不應遠出六月徙為湘州刺史以相封王允

州刺史劉顛為平越中郎將代舒刺廣州

之為番禺縣侯晉書允之舒子也初從伯王敦與錢

父王導平敦敦平明帝欲令允之仕舒曰臣子尚少

不樂早官及蘇峻反允之討賊有功封番禺縣侯邑

一千六百戶

顯宗成皇帝咸和元年分南海立東官郡晉書東官

今東莞也統及興寧海豐揭陽今惠潮二郡地刺史顛卒以阮孚代之孚未

至鎮卒晉書咸和初阮孚拜丹陽尹時太后臨朝政

出舅族孚知亂作會廣州刺史劉顛卒遂苦

末出王導以孚疎曠非京尹才乃除都督交廣寧三
郡軍事鎮南將軍平越中郎將廣州刺史假節未至
鎮卒未幾蘇峻作
逆識者以為知機

咸和二年以都鄉侯庾冰為廣州刺史尋被徵還京

師晉書王導請為司徒右長史未幾出補吳興內史

中擊之敗走於是乘勝西進赴于京都遣司馬滕含
攻賊石頭城拔之賊平加冰都督江荆寧益梁交廣

七州豫四
郡諸軍事

咸和三年秋九月前交州刺史張璉據始興反進攻

廣州鎮南司馬曾騶等擊破之

咸和四年春三月以陶侃都督交廣寧州諸軍事通鑑

侃討蘇峻至是論平峻
功加都督封長沙郡公

咸和五年夏六月以西陽太守鄧嶽為廣州刺史晉書

蘇峻反寇京師陶侃使嶽為前鋒帥兵次在賣枚之

從溫嶠李陽斬峻賊黨復立峻弟逸為帥嶽復與滕

含以銳卒擊敗之已而後將平郭默嶠詔襲殺平南

將軍劉胤輒領江州侃遣嶽以西陽之衆討默遂擒

默于尋陽斬之六月遷嶽督交廣二州軍事建武

將軍領平越中郎將廣州刺史假節封宜城伯

咸康二年冬十月刺史嶽遣督護王隨擊夜郎新昌

太守陶協擊興古並克之通鑑加嶽置廣州月令從

事史
咸康五年春三月刺史嶽伐蜀降其將霍彪晉書李

嶽伐之蜀建寧人執壽將霍彪以降○時東土多賦
役百姓乃從海道入廣州嶽大開鼓鑄諸夷由是知
造兵器都督更翼鎮武昌表陳東境國家所
資夷人常伺隙若知造鑄之利將不可禁

咸康八年刺史嶽卒

孝宗穆皇帝永和元年春三月以庾蘊為廣州刺史

晉書蘊穎川人司空冰之子也冰嘗督交廣諸軍蘊少浮藻有才以父兄故累至貴顯遷廣州刺史假節抵鎮貪鄙無度使工為象牙細簾計日考朴工不勝其苦廣民患之以廣州始與屬義

陽郡晉書分零陵郡立

永和四年夏四月桓溫遣督護滕駿帥交廣兵擊林

邑敗績通鑑初林邑寇九真殺士民什八九至是擊破復討林邑王文於盧容為文所敗後交州刺史阮

破五十餘壘

升平三年冬十月交州刺史溫放之集兵至南海十

一月帥兵破林邑而還晉書放之始安公嶠之子也為給事黃門侍郎以貧求為

交州朝廷許之初林邑范文攻陷南害太守夏侯覽以尸祭天阮敷不能成議用廣州兵放之既至南海甚有威惠將征林邑交趾太守杜寶別駕阮朗並不從放之以其阻眾誅之勒兵而進參黎耽潦並降遂破林邑還卒于官

升平五年春二月平南將軍廣州刺史陽夏侯滕含

卒晉書含嘗為建威長史討平蘇峻有分蒼梧立晉功及在任積年甚有威惠卒謚曰戴

康郡晉書領縣十四初穆帝以蒼梧境土寬廣析置阮橋寧遂安未始武定文昭熙寧地為十四縣俱隸晉康郡

哀皇帝隆和元年春正月以大司馬記室袁宏為南

海太守○太守宏表漢徵士番禹董正之門語在本傳

太宗簡文皇帝咸安二年刺史庾蘊自殺通鑑大司馬桓溫廢

帝奕為海西公而立會稽王昱是為簡文帝帝諡兄希
被溫奏盜北府軍資將見殺而逃溫懼得罪遂於廣
州飲鴆而死希後稱海西公密旨討溫被擒伏誅初
郭璞占云墓碑生金庾氏亡至是蘊家墓碑果生金
而兄弟俱戮

烈宗孝武皇帝太元三年詔禁廣州夷人錢貨文獻通考

詔曰錢國之重寶小人貪利銷壞無已監司當以為
急廣州夷人貨重銅鼓而州境素不出銅聞官私賈
人皆以錢入廣州貨與夷人鑄
敗作鼓其重為禁制得者科罪

太元八年春三月始興大水晉書平

太元十年廣州刺史王琰殺沙門法存御覽法存在

乃斲又有沉香八尺板牀琰子劬求二物不得珍
殺法存而籍焉使劬得之雖寇賊不過是也

太元十六年冬十二月增城白雀見宋書符瑞志白

城縣民吳
比屋上

太元十七年春二月廣州甘露降冊府元龜甘露降

于政故郡國多以瑞開流妖人孫泰于廣州尋召為

徐州主簿晉書孫泰廣陵人師事錢塘杜子恭得秘

明皆竭財產進子女以求福王珣言於會稽王道子

流之於廣州廣州刺史王懷之以泰行鬱林太守南

越人歸之太子少傅王雅先與泰善言於孝武帝以

泰知養性之方因召還道子以為徐州主簿簡以道

術眩惑士庶稍遷新安太守將為亂道子乃誅之其

兄子恩逃入海後遂舉兵及官軍擊破之赴海自沉
恩之妹適盧循恩
死餘黨推循為主

太安十八年夏六月己亥始興大水晉書始興南康

安皇帝隆安元年春王月分東官立義安郡晉書義

揭陽縣立統綏安海寧海冬十二月徙瑯琊內史王

陽義招朝陽程鄉六縣

誕于廣州寓傳隆安二年以桓玄為廣州刺史受命不行秋七月玄

舉兵反晉書會稽王道子用事昏亂兖州刺史王恭

兵反以應恭其後玄恣克宗室司馬恢之及其弟允

命乃改荆州冬十二月太白晝見于南斗宋書天文志占

隆安四年詔徵廣州刺史刁逵玄留逵不遣逵附於

留之後玄篡位以為荆州刺史

元興元年春二月以右將軍吳隱之為廣州刺史

元興二年加刺史隱之前將軍詔賜錢穀晉書詔曰

於閨門清節厲乎風霜實立人之所難而君子之美

致也龍驤將軍廣州刺史吳隱之孝友過人祿均九

族并已繁素儉愈魚殮夫處可欲之地而能不改其

操饗惟錯之富而家人不易其服革奢務嗇南域改

觀朕有嘉焉可進號前將軍賜錢五十萬穀千斛

元興三年冬十月海賊盧循攻廣州刺史隱之與戰

敗績晉書循浮海寇廣州攻番禺隱之率厲將壬戌

大火城陷循獲隱之自攝州事宋書循攻城百餘日

火起時民人避寇盈滿城內隱之懼有應賊但務嚴

兵不先救火由是府舍民室焚燒蕩盡延及三千餘

家死者萬餘人因遂散潰悉為賊擒城遂陷隱之携

家累出欲奔還都為循所得循自攝州事號平南將

軍○太平御覽循除火後骨數得觸骸三徐道覆攻

萬餘於江南洲上作大坑壅之號為共塚始興執始興和阮腆之○封孫處為新夷縣侯孫以平

及定京邑功○
新夷即今新會

義熙元年賊循遣使朝貢晉書循奏朝廷以隱之黨

夏四月以循為廣州刺史道覆為始興太守晉書時

誅桓氏中外無虞乃權假循征虜將軍廣州刺史平

越中郎將其黨徐道覆為始興太守道覆循之姊夫

也劉裕與循書令遣隱之還久方得反歸舟之日裝

無餘貲義熙初童謠曰官家養盧化成就蘆生不止

自不能積其時官養循寵以金紫奉以名州養之極也

而不成積及循斬伐其黨循芟草木以成積也○宋書

初鄧瑯王誕桓玄篡位時徙廣州循以誕為其平南

府長史甚賓禮之誕久客思歸乃說循曰下官遠流

在此被蒙殊眷士感知已實思報答本非戎旅在此

無用素為劉鎮軍所識情味不淺若得北歸必蒙任

寄公私際會思報厚恩愈於停此空移歲月循甚然

之時吳隱之被留誕又曰將軍今留吳公公私非計

孫伯符豈不欲留華子魚但以一境不容二君耳於

是誕與隱之俱得還○劉鎮

軍謂劉裕孫伯符謂孫策

義熙二年春三月以劉裕督交廣二州軍事南史四

輔入夏四月盧循遣使如交州通好刺史杜瑗斬之

義熙四年興寧大鳥化為虎祥異志忽有數十鳥

義熙六年春二月盧循反晉書劉裕伐慕容超徐道

而出循不從乃自至番禺說循曰本住嶺外豈以理

極於此傳之子孫邪直以劉裕難與為敵故也今裕

頓兵堅城之下未有還期我以此思歸死士掩擊何

劉之徒如反掌耳不乘此機而苟求一日之安朝廷

恒以君為心腹之疾若裕平齊之後息甲歲餘以璽

書徵君裕自率眾至豫章遣銳師過嶺雖復君之神

武必不能當也今日之機萬不可失既克都邑裕雖

南還無能為也君若不同便當率始興之眾直指尋

陽耳循甚不樂舉兵然無以奪其計乃從之初道覆

密欲裝舟艦乃使人伐船材於南康公偽云將下都

貨之後稱力少不能得致即至始興賤賣之價減數
 倍居人貪賤賣衣物而市之贛石水急出船甚難皆
 諸之如是者數四故船板大積而百姓弗之疑至是
 按賣券而取之無敢隱者乃併力裝之旬日而辦遂
 舉衆寇南康廬陵豫章諸郡守皆委任奔走與循連
 放而下戎卒十萬舳舻千計王師屢為所敗至淮口
 會劉裕平慕容超師還柵石頭斷查浦以扣之循三
 進攻不利秋七月乃退走還尋陽劉裕遣將追之循
 月已巳月掩斗衡晉書占北斗第五星曰衡主吳越
 月盧循寇湘中沒巴陵秋八月劉裕遣將軍孫處沈
 率衆逼京畿吳越也
 田子自海道襲廣州冬十一月庚戌拔之宋書振威將軍孫處
 破循於新亭劉裕謂處曰此賊行破應先傾其巢穴
 令奔走之日無所歸投非卿莫能濟事我十二月必
 破妖賊鄉亦足至番禺也遂遣處率衆二千泛海襲
 廣州初賊不以海道為防處至東衝去城十餘里城
 中猶未之知循守戰上猶有數千人城甚固處先焚
 舟艦悉力登岸會天大霧四面攻之即日克拔處撫

其舊民戮循親黨勅兵諱守循父暉長史孫建之司
 馬虞廷夫等輕舟奔始興即分遣振武將軍沈田子
 等討平始興南康臨賀始安嶺表諸郡十二月裕率
 大軍與循戰于尋陽大敗之遂走豫章悉力柵左里
 裕焚其柵循單舸走衆皆降處之襲廣州也海道路
 由臨海臨海太守臧熹資給發遣得以無乏熹裕妻
 臧氏之弟也遣沈田子劉蕃孟懷玉等追賊循循還番禺
 徐道覆走保始興通鑑蕃屯兵以褚裕之為廣州刺
 史宋書循南走劉裕版行裕之廣州刺史避裕更行其
 軍廣州刺史桓玄族人開山聚衆謀掩廣州事覺叔
 度悉平之在任四年廣營賄貨家財豐積坐免官禁
 錮終身

義熙七年春二月劉蕃孟懷玉克始興斬道覆宋書

中兵參軍劉鍾與輔國將軍王仲德追盧循攻其別
 將范崇民崇民敗走鍾追討百里燒其船乘又從劉

蕃追道覆於始興懷玉賊循圍廣州不克夏四月沈
 先登鍾擒道覆斬之宋書沈田子慮孫處孤危謂劉蕃曰廣州
 田子破之城雖險固本是賊之巢穴今循還圍之或有
 內變且季高衆力寡弱不能持久若使賊還據此
 凶勢甚振下官與季高同履艱難汎滄海於萬死之
 中克平廣州豈可坐視危逼不相拯救於是率軍南
 還比至賊已收其散卒還圍廣州季高單守危迫聞
 田子忽至大喜田子乃背水結陳身率先士卒一戰
 破之於是推鋒追討又破循於蒼梧鬱林寧浦還至
 瀘州而季高病篤既兵荒之後山賊競出攻沒城郭
 殺害長吏田子隨宜討伐旬日平殄刺史褚叔度至
 乃還將軍孫處卒于晉康循襲合浦進攻交州刺史
 杜慧度敗之其衆大潰賊循伏誅前史循收散卒尚
 圍廣州處拒戰二十餘日會病四月沈田子出兵擊
 之循乃破走所殺萬餘人追奔至鬱林處卒于晉康
 不得窮追循乃襲合浦克之進攻交州至龍編刺史
 杜慧度悉散家財以賞軍士與循合戰于石碕擒循

長史孫建之六月庚子循造南津慧度與諸弟帥水
 步軍登高艦擲雉尾炬以焚其艦以步兵夾岸射之
 循衆艦俱然兵衆大潰循知不免先鳩妻子十餘人
 及其妓妾因身投於水慧度取其尸斬之及其父振
 同黨盡獲傳首京都慧度爰之也初循據廣州人
 爲之謠曰蘆生漫漫竟天半後擁上流數州之地內
 迫京輦果應贈孫處爲龍驤將軍南海太守宋書封
 天半之言侯食邑
 千戶

義熙八年荊州刺史劉毅求加督交廣二州從之宋晉

初山簡謝安都督荆寧秦雍等州俱兼交廣至是毅
 上言荊州編戶不盈十萬器械悉然廣州雖凋殘猶
 出卅漆之用請依先準於是加督
 交廣二州劉裕以毅貳乃奏誅之

義熙十年秋七月以張裕爲廣州刺史尋還揚州宋
 劉裕方伐關洛故用裕爲廣州裕後亦避諱改行其
 字茂度茂度綏靖百越嶺外安之尋以疾求還謝欣

代之

義熙十三年春三月員外散騎侍郎杜弘文從劉裕

伐秦帥師次于廣州宋書劉裕北伐秦姚泓交州刺史杜慧度遣其子弘文為流民

督護領兵三千北從大軍行至廣州關洛已平乃歸秋七月南海賊徐道期陷

廣州始與相劉謙之討平之以謙之為振威將軍廣

州刺史宋書東海人徐道期流寓廣州無士行為僑

作亂攻沒州城殺士庶素憾者百餘傾府庫招集亡

命政始與謙之破走之進平廣州誅其黨與自行州

事詔即擢之時長沙王道璘遣振武將軍劉道產計

廣州會謙之已平群盜道產未至而返謙之道產之

也劉裕徵刺史謙之為太中大夫以王鎮之為廣州

刺史

義熙十四年春三月始與相胡藩討盧循餘黨平之

宋書盧循餘黨與蘇淫賊大相聚結以藩為始與相

討平之後論平司馬休之及廣固功封陽山縣男食

邑五百戶秋七月劉裕以刺史鎮之為其相國府諮議參

軍宋書鎮之在鎮不受俸祿蕭然

無所營去官之日不異始至

恭皇帝元熙元年分南海立新會郡宋書新會郡本

兼統蒼梧之臨

允縣今新興也

宋高祖武帝劉裕末初元年宋定郡國官宋書定郡國為公侯子

牧民餘郡並置太宋封褚叔度為番禺縣男宋書高

叔度為太尉諮議參軍相國府司馬及受命為右衛

將軍以其名家而能竭盡心力甚嘉之乃下詔曰夫

賞不遺勤則勞臣增勸爵必疇庸故在功成達叔度

南北征討常管戎要西夏不虔誠著嶺表可封番禺

縣男食邑

四百戶

宋永初春正月宋揭陽蠻反郡縣討破之

宋永初宋罷廣州獻細布南史廣州嘗獻入筒細布一端八丈上惡其精麗勞

人即付有司彈太守以布

宋太祖文帝劉秋八月宋減始興今年稅布之半

宋元嘉秋八月宋以右軍長史江恒為廣州刺史當

桓作

宋元嘉夏五月宋遣員外散騎常侍李耽之使廣州

冊府元龜時遣使巡行天下問風俗卹民隱○宋書詔曰昔王者巡功群后述職不然則有存省之禮聘

被故能功昭長世道歷遠年朕以寡聞屬承洪業夙

畏在位昧于治道夕惕惟憂如臨淵谷懼國俗陵頽

民風凋為青厲違和水旱傷業雖勤躬庶事恩被攸

宜而機務惟殷顧循多闕政刑乖謬未獲具聞豈誠

素弗孚使羣心莫盡納隍之愧在予一人以歲時多

難王道未一卜征之禮廢而未脩眷被氓庶母忘欽

恤今使兼散騎常侍渝等申令四方周行郡邑親見

刺史二千石官長申述至誠廣詢治要觀察吏政訪

求民隱旌舉操行存問所疾禮俗得失一依周典每

各為書還具條奏俾朕昭然若親覽焉大夫君子其

各悉心敬事毋墮乃力其有咨謀遠圖謙言中誠陳

之使者母或隱遺方將敬納良規

以補其闕勉哉勗之稱朕意焉

宋元嘉夏四月宋交州刺史杜弘文被徵卒于廣州語

流寓冬十一月宋南海熙安甘露降宋書符瑞志其

廣州刺史

江桓以聞

宋元嘉夏五月宋以始興太守徐豁為廣州刺史未

拜卒詔襄卹之宋書詔清練明理嘗表陳三事其一
 便自逃逸既接蠻俚去就益易或至產子不養宜更
 量課限使存立其二言郡領銀民三百餘戶鑿坑
 採砂皆二三丈功役既苦崩壓歲有死者宜准銀課
 米即事為便其三言中宿縣俚民課銀一子丁輸納
 稱半兩尋此縣自不出銀山俚愚怯不辨自申官取
 貨甚輕民以所輸為劇今若聽其丁課米公私兼利
 太祖嘉之下詔獎賚至是似為持節督廣交二州諸
 軍事寧遠將軍平越中郎將廣州刺史未拜卒又下
 詔曰豁庶清勤恪著稱所司故擢受南服申其才志
 不幸喪殞朕甚悼之可賜錢十萬布百疋以營塋事

廣州刺史

六月己卯宋遣使檢行賑贍以江夏內史程道惠為
 廣州刺史
 宋元嘉六年秋七月宋以尚書左丞孔默之為廣州刺史

宋元嘉八年春正月庚寅宋復立珠崖郡屬交州夏五月宋

南海番禺甘露降○秋林邑國王范陽邁寇宋九真

入于四會宋書永初二年林邑王范陽邁遣使貢獻

郡交州刺史杜弘文建牙聚眾欲討之聞有代乃止

七年陽邁遣使自陳與交州不睦求蒙恕宥八年又

遣樓船百餘寇九德入四會浦口交州刺史阮彌之

遣隊主相道生三千人赴討攻區粟城不尅引還林

邑欲伐交州借兵於扶南王扶南不從十年陽邁

遣使上表獻方物求領交州詔答以道遠不許

宋元嘉九年夏六月宋遣大使巡交廣宋書詔曰益梁交

物情或多偏壅可更遣大使巡求民瘼冬十一月癸丑宋分廣州立宋

康郡分高涼西營立語在圖經

宋元嘉十年夏五月宋刺史默之有罪徵下廷尉宋書默

及義康被黜默之子員外散騎侍郎熙先久不得調

與左衛將軍范畢同謀六月宋以前青州刺史高朗

反立義康事發俱伏誅

為廣州刺史○秋九月宋流謝靈運於廣州十二月

殺之宋書前始興內史康樂侯謝靈運游山動衆殺

命降死一等徙付廣州時山陽縣人趙欽云同村薛

道雙先與謝康樂共事以去年九月初道雙因同村

成國報欽云先以臨川郡犯事徙送廣州謝給錢令

買弓箭刀盾等物使道雙要合鄉里健兒於三江口

還取謝共得此如意之後功勞是同後邀謝不及色

廣州行棄市刑臨死作詩曰龔勝無餘主李業有終

盡稽公理既迫霍生命亦殞悽悽凌霜葉網網衝風

菌避迤竟幾何脩短非所愆送心自覺前

斯痛久已忍恨我君子志不獲崖上民

宋元嘉十二年林邑扶南遣使自廣州入貢于宋

宋元嘉十三年宋分南海四會縣立綏建郡

宋元嘉十四年秋九月宋廣州刺史高朗坐罪免太平御覽

御史中丞

劉禎劾朗在州多賦貲錢銀為宛至百冬十月宋以

二十枚前展至六七千量坐是免官

安成公相沈劭為廣州刺史未行卒宋書初彭城王

為庶人徙安成郡以寧朔將軍沈劭為安成公相領

兵防守至是議徙義康廣州仍以劭為廣州刺史未

行值劭病卒

宋元嘉十五年秋八月宋以始興內史陸徽為廣州刺史○

宋刺史徽上表薦士宋書徽清名亞王鎮之為士民

所愛詠上表薦士曰臣聞陵雪

褒顯貞柯必深尊風賞流清源斯挹是以衣囊揮譽

於西京折轅延高於東帝伏見廣州別駕從事史朱

廣通志卷四

三十一

十一

茂歷宰金山家無寶鏤之飾連組珠海室靡瑠珞之
珍確然守志不來聞達實足以澄革汚吏洗鏡貪民
臣諤忝司牧仕專萬里雖情祗慎擢才闕豪露敢罄
愚陋與其所知如得提名禮闈抗迹朝省搏嶺表之
清風負水宇之潔望則恩融一臣而施光萬物敢緣
天澤雲行時德兩施每甄外州榮加遠國是以獻其
警言希垂聽覽

宋元嘉十六年春三月宋廣州城北甘露降宋書符瑞志甘露降廣州城北

楊樹刺史秋七月宋刺史徽旌表戎士陳南妻戴氏

立貞節坊語在列女傳冬十二月宋徙征北府行參軍顧

邁于廣州南史吳郡顧邁為始興王濬征北府參軍與別駕劉瑀相忤瑀白之濬大怒啓文帝

徙邁于廣州廣通元

宋元嘉十七年冬十月戊申宋徙尚書庫部郎何默子等五

人于廣州宋書上以司徒彭城王義康嬖隙已著將成禍亂收其掾屬劉湛劉斌付廷尉下詔

暴其罪惡就獄誅之窮治其黨徙默子及餘姚令韓

景之永興令顏遙之湛弟黃門侍郎素斌弟給事中

溫於廣州宋書

宋元嘉二十年秋七月宋徵刺史徽為長沙內史宋書徵徽為南平王

冠軍司馬長沙內史行湘州府事八月以廷尉陶

愍祖代之未幾罷明年以諮議參軍劉道錫代之

宋元嘉二十二年冬十二月宋徙逆黨謝縉等于廣州宋書

先范羣謀反縉兄縉許發大將軍府兵事發

俱伏誅縉兄弟子父已亡者及縉俱徙廣州

宋元嘉二十三年宋徵廣州刺史劉道錫下廷尉尋宥之宋書

道錫彭城呂人兄道產以功至雍州刺史道錫雄猛

有兄風宋元嘉中為巴西梓潼二部太守入為少府

卿二十一年遷楊烈將軍廣州刺史二十七年坐貪

縱過度自杖治中苟齊文垂死乘輦出城行與阿尼

同載為有司所糾值赦明年散徵又以赦後餘賊收下廷尉被宥病卒初庾仲文領選既不緝衆論又通貨檀牽車仲文常自乘焉人皆醜之

宋元嘉二年夏五月宋廣州刺史廣陵王誕受命不行

以蕭簡為南海太守宋書誕為廣州未之鎮以簡為安南諮議參軍南海太守行府

州事尋改誕為會稽太守以東海王禧代之禧復不行仍用簡如故簡由是顯恣○大明中臨海王子瑱

始安王子真皆為廣州不赴鎮自誕始也

宋元嘉三十年夏六月宋以御史中丞王曇生為廣州刺史

尋改吳興太守以右衛將軍宗慤代之宋世子劭弒

逆秋七月劭黨蕭簡據廣州及九月丁卯輔國將軍

南海太守鄧琬等討平之宋書宋太子劭弒逆用蕭斌謀簡弒弟也遂據郡反

世祖入討元凶以鄧琬為輔國將軍南海太守沈法

系為寧朔將軍始興太守以討簡簡聞臺軍將至誑

其衆曰臺軍是賊助所遣並信之前征北參軍顧邁

避賊徒在城內善天文云荆江有大兵城內由此固

守綏建太守劉劭起義討之燒其南門琬圍城唯治

攻道法系至曰宜四面並攻若守一道何持可援

琬慮功不在已不從法系曰更相申五十日晝又

不克乃從之八道俱攻一日即拔斬簡及邁法系先

入封庫藏付琬而還廣州平○按鄧琬傳謂圍簡踰

年乃克蕭斌傳謂簡固守經時城陷伏誅本紀則謂

九月丁巳簡反丁卯宋刺史慤以劉劭為軍府主簿

討平之其不同如此宋刺史慤以劉劭為軍府主簿

宋書勳少有志節兼好文義家貧為廣州增城令刺

史劉道錫引為揚烈府主簿至是討平蕭簡刺史宗

慤又命為軍府主簿以功封大亭侯

宋世祖孝武帝春二月宋前南海太守陸展從江州

刺史臧質討戴法興不克死之宋書孝武閨門無禮與南郡王義宣諸女

劉駿孝建元年

逢亂義宣因此發怒時刺荆州密治舟甲會倖臣戴
法興專管內務導孝武為惡義宣乃與江州刺史戴
 質起兵討法興時展改守尋陽質以展為長史傳激
 聲言姦臣交亂圖傾宗社孝武遣兵禦之質等兵敗
 皆死宋以綏安為義安左郡宋書綏安分自揭
 陽今漳州漳浦也宋流劭
 黨沈懷遠於廣州宋書懷遠納東陽公主養女王鸚
 鵡為妾元凶劭與其弟濟行巫蠱
 鸚鵡預之為濟始興王征比長流叅軍深見親待坐
 南海殺之會南郡王義宣反懷遠頗開文筆愨起義
 使造檄書并銜命至始興與始興相沈法系論起義
 事平愨具為陳請由此見原終世祖世不得還懷
 文雖親要屢請終不許前廢帝世流徙者並聽歸本
 官至武康令撰南越志宋刺史愨誅桂陽太守何亮
 及懷文文集並傳于世宋書亮何亮兄弟也助丞相南郡王義宣為逆遣
 叅軍王師壽斷桂陽道以防廣州愨收亮斬之
 宋孝建春二月甲子宋以刺史愨為平西將軍豫州
 三年

刺史丁卯以新除御史中丞王翼之為廣州刺史改

會稽太守秋八月丁未以尚書吏部郎王琨代之

宋大明二年春宋以合浦大帥陳檀為龍驤將軍宋書廣
 州山洞

並俚僚種類繁熾前後屢為侵暴歷世患苦夏五月

宋刺史琨表獻俸祿之半秋八月宋徵刺史琨還

已丑以交州刺史費淹為廣州刺史南海太守垣閔

為交州刺史

宋大明三年春宋刺史淹獻三角水牛

宋大明四年宋以龍驤將軍陳檀為高興太守宋書檀乞
 官軍征討

未附乃以檀為高興太守將軍如故

宋大明五年春二月宋前朱提太守費沉殺陳檀尋伏誅

宋書檀帥官軍為主將上遣前朱提太守費沉龍驤

將軍大期率衆南伐并通朱崖道並無功殺檀而反

沉下冬十月宋以冠軍將軍臨海王子瑱為廣州刺

史不赴鎮改荊州刺史

宋大明六年秋七月庚辰宋以臨海王子瑱為荊州刺史

甲申以輔國將軍王翼之為廣州刺史宋書翼之字季彌琅琊臨

沂人晉黃門侍郎徽之孫也卒謚肅子

宋大明七年夏五月宋以輔國將軍始安王子貞為廣州

刺史不赴鎮遷南彭城太守

宋大明九年冬十一月宋以尚書吏部郎殷孚為始興相

宋書字陳郡長平人黃門侍郎淳之子也

宋主劉子業春正月宋以建康令蕭道成為始興太

守秋九月徵道成為後軍將軍齊書道成字紹伯蘭

王義康被黜鎮豫章父承之為寧朔司馬領兵防守

道成從行討山蠻初為中兵參軍遷建康令遂守始

興景和初除後軍將軍值明帝為右軍將軍冬十一月宋晉安王子勛起


兵於尋陽廣州刺史袁曇遠應之道宋書子業在時無

第數居二俱登大位子勛復同遂賜子勛死其長史

鄧琬奉子勛起兵於尋陽曇遠舉兵應之移檄遠近

以發昏立明當討為各十二

月湘東王彧子業而自立



起兵應前始興太守蕭道成疏遣其始興太守韋希
 真鷹揚將軍揚弘之領衆一千討嗣祖道成時爲右
 將軍帥宋贛令蕭贖帥衆奔揭陽山中南齊書贖右
 兵討贖子也爲江州贖令子勛起兵贖不從命南康相沈
 贖贖贖於郡獄族人蕭歆祖門客桓康等破獄逃出
 蕭之率將吏數百人追擊贖與左右拒戰生獲蕭之
 斬首百餘級遂率部曲百餘人舉兵始興相殺守將
 萬衆赴子勛於尋陽或勸贖擊之贖以衆寡不敵遂
 屯揭陽山中聚衆至三千人子勛遣其將戴凱之爲
 南康拒贖引兵向郡擊走之

宋泰始二年宋子勛稱帝蕭道成討之始興士人劉嗣祖
 起兵出南康與蕭贖合廣州將李萬周殺袁曇遠以
 降宋書右將軍蕭道成率衆東北征討鄧琬遣人收
 其子贖贖既越獄遂率衆與前南海太守何曇直
 晉康太守劉紹祖北地傳浩東莞童禽等起兵拒琬
 會劉嗣祖亦遣衆出南康與贖等合袁曇遠聞始興

兵起遣將李萬周陳伯紹率衆討嗣祖遣兵戍浚陽
 萬周等築壘相守嗣祖遣人詣萬周曰尋陽已平臺
 遣劉勳爲廣州番至萬周信之使出還襲番禺夜以
 長梯入城曇遠怯弱無防聞萬周反便徒跌出奔萬
 周追斬之於城內交州刺史檀真被代還至廣州資
 貨鉅萬萬周誣以爲逆襲而殺之遂劫掠公私銀高
 籍畧袁檀珍寶悉以自入太宗以萬周爲步兵校尉
 加寧朔將軍推行廣州事未幾尋陽果平子勛等皆
 死冬十月宋以輔國將軍劉勳爲廣州刺史不拜十

二月以梓潼太守費混代之冊府元龜時豫州刺史
 改爲益州刺史勳著聲南殷琰叛勳討之故不拜
 士黃人思之後竟死節
 宋泰始三年春二月甲申宋以御史中丞韋希爲廣州刺
 史希討李萬周誅之宋書希出爲寧朔將軍廣州刺
 蕭惠徽爲長史帶南海太守太宗不許又請爲東官
 太守希既到鎮長史南海太守陸法真喪官希又請

惠徽補任詔曰希罕門寒士累世無聞輕薄多豐備
彰歷職徒以清刻一介擢授嶺南干上逞欲求請不
已可降號橫野將軍希既至
而萬周等竝有異圖希誅之

四年春二月宋妖賊劉思道攻廣州殺刺史牟希

龍驤將軍陳伯紹討平之宋書希以沛郡劉思道行

遣節度夫用希遣收之思道不受命率所領攻州希

遣平越長史鄒琰於朝亭拒戰軍敗見殺思道進攻

州城司馬鄒嗣之拒之西門戰敗又死希踰城走思

道獲而殺之府參軍鄒曼率數十人襲思道已得入

城力不敵又敗東莞太守蕭惠徽率郡文武千餘人

攻思道戰敗又見殺時龍驤將軍陳伯紹率軍伐俚

還擊思道定之贈希輔國將軍惠徽中書郎嗣之越

騎校尉希子崇字伯遠尚書主客郎丁母憂哀毀過

禮及聞廣州亂即日便徒跣出新亭不能步涉頓伏

江渚門義以小船致之於是進路父葬畢不勝哀卒

宋書牟希作牟南伯

紹代惠徽為太守

五年夏五月乙未宋曲赦廣州秋七月己酉宋以

東莞太守陳伯紹為交州刺史賞平亂功也冬十二月宋

以輔師將軍建安王世子融為廣州刺史

六年冬十二月分始興立宋安郡屬湘州宋書割

封陽陽山含涇岡七年春二月戊戌宋分廣交三郡置越州以陳伯

紹為刺史兼督交越續大事記解題按州郡志越州

新立百梁龍蘇永寧安夏五月宋以寧朔長史孫超

之為廣州刺史

宋泰始元年夏六月宋廣州白雀見宋書刺史秋七月宋

改始興郡為廣興省岡溪縣宋書置廣興公相罷宋安郡還屬廣興

宋主李昱元徽元年春三月宋以撫軍長史何恢為廣州刺史

未拜以罪免宋書恢未之鎮坐國哀暮晦不到免官復起為都官尚書未拜卒

宋元徽二年春二月宋以寧遠將軍到遁為南海太守○

冬十月宋以遊擊將軍陳顯達為廣州刺史齊書顯達南彭

城人仕以軍功位羽林監濮陽太守從蕭道成往討桂陽王休範於新亭壘別將劉劬大折賊進杜姥

宅及休範死顯達出杜姥宅大戰於宣陽津門大破賊矢中左目而鏃不出也黃村潘姬善禁先以釘釘

杜禹步作氣釘即出乃禁顯達目中鏃出之至是為使持節督廣交越三州湘州之廣興郡輔國將軍平

越中郎將顯達至州以南海太守到遁為長史顯達惡人謂已為有聞必殺之遁諫不從

宋元徽五年七月以後夏五月丙午宋以屯騎校尉順帝劉隼昇平元年

孫曇瓘為越州刺史○冬十月宋車騎大將軍沈攸

之討蕭道成陳顯達遣軍入援殺南海太守遁南史沈攸

之舉兵討蕭道成顯達遣軍援臺輔國長史南海太守到遁司馬諸着導勸顯達保境蓋衆密通彼此顯

達於坐手斬之遣表疏歸心于道成道成甚德之十一月丙午宋員外散騎

侍郎胡羨生行越州刺史○宋蕭道成徵顯達還以

交州刺史沈景德代之道成尋以顯達為大司馬景德為寧朔將軍十二

月壬申宋司徒袁粲起兵討蕭道成前越州刺史孫

曇瓘應之宋書曇瓘時為輔國將軍道成遣兵殺粲宋蕭道成以驍騎將

軍周槃龍為廣州刺史不赴鎮尋改司州刺史景德

皆道成之黨也

宋昇明二年春正月宋以贛令蕭贛為寧朔將軍廣興相

齊書宋封贛為贛縣子固辭不受遂轉廣興相時嶺下積旱水涸不通贛部伍至水忽暴長庚溫曰此利

涉大川之兆也始興郡本無欖樹調味有闕至是郡堂屋後忽生一株人皆以為瑞蓋義熙八年宋武帝

大社壇側忽生此木今復見之故也及桂陽王休範起兵贛自始興遣軍襲尋陽以太守督軍事○今按

本草欖木高大莖有刺其子味辛辣三月宋蕭道成如椒能殺腥物故御厨調味用之

以輔國將軍劉俊為廣州刺史南齊書霸業初建俊先致誠節俊勛之子

也襲爵鄱陽縣侯夏四月宋以尚書外兵郎伏曼容為輔國

長史南海太守語在流寓傳六月宋蕭道成以前新會大

守趙超民為交州刺史不克赴鎮通鑑初交州刺史李長仁卒從弟叔

獻代領州事以號令未行遣使求刺史於宋冬十月時齊王道成命超民往超民畏叔獻不敢赴

已卯宋蕭道成殺前越州刺史孫曇瓘宋書察死曇瓘

獲擒宋昇明三年四月以後齊太春宋刺史俊會齊世子

贛于舟渚南齊書贛自尋陽還遇俊於舟渚懼宴叙舊停十餘日乃下遣其子長懋等攝衣履

脩父兄之敬四月道成受禪進號冠軍將軍三月宋以南海太守沈煥為

交州刺史交州發兵拒之通鑑宋以煥為交州刺史更以叔獻為煥寧遠司馬

武平新昌二郡太守叔獻既得朝命人情服從遂發兵守險不納煥煥停爵林病卒四月齊王受禪七月

即以叔獻為刺史夏四月齊以刺史顯達為中護軍齊書顯達後以

及冬十二月齊遣使巡行廣州齊書遣使巡行以交寧道遠不遣

齊建元春齊以劉俊為太子中庶子領越騎校尉夏

三年

四月齊復以沈景德為廣州刺史通鑑後罷廣州傾

後隆昌時所獻咸少上怒收俊付廷夏六月齊以寧

朔將軍臧靈智為越州刺史

齊世祖武帝蕭春正月齊封其子子罕為南海王

未末明春三月齊以少府趙翼為廣州刺史○秋齊

始興曲江縣山崩韶州志山崩壅冬十月扶南國王

闍邪跋摩遣使自廣州獻金于齊○齊始興郡民龔

玄宣進龜璽齊書是年七月玄宣奏言去年二月得

所在今年二月神人授皇帝璽龜形長五寸廣二寸厚二寸五分文曰天地蕭萬世

齊未明春正月齊發始興兵討交州刺史李叔獻通鑑

叔獻既受命而斷割外國貢獻上欲討之春正月丙

辰以大司農劉楷為交州刺史發南康廬陵始興兵

以討叔獻叔獻懼齊高涼俚人獻銅獸齊書越州南

間道自湘州還朝齊高涼俚人獻銅獸齊書越州南

中網魚獲銅獸上有銘曰作

寶昌齊臣萬年子孫承寶

齊未明春齊以始興內史劉勅為廣州刺史○秋八

月齊以鎮南長史蕭惠休為廣州刺史勅勿以私祿

克獻奉

齊未明夏六月丙子齊以始興太守房法乘為交州

刺史○冬十一月乙卯齊以羽林監費延宗為越州

刺史八年卒以振威將黃龍見曲江縣黃池中齊書一

宿二日

齊末明始與郡獻白鳩齊書白鳩一頭齊召房法乘

八年還卒于大庾嶺語在昌樂村獲之

齊末明春正月齊以刺史惠休為輔國將軍南海太

守南齊書惠休為刺史罷任獻奉傾貲上勅中書舍

人茹法亮曰可問蕭惠休吾先使卿宣教令其勿

以私祿克獻奉今殊覺其下情厚於前後人問之三

故不當復私耶吾欲分受之也於是遷南海太守三

月齊以太子左衛率劉續為廣州刺史

齊末明齊廣州刺史劉續為奴所弑始與內史王詡

討誅之齊末明春齊越州獻白珠佛像齊書像長三寸上秋

十一月起禪靈寺置刹下秋九月齊以太守惠休為徐州刺史○冬十二月齊徙

詔議參軍劉祥于廣州齊書祥兄整歷位持節都督

史卒于官去年祥啓求迎喪還至大雷祥就整妻求

還資事聞朝廷於朝士多所賤忽著連珠十五首以

寄懷有以祥連珠啓上者上令御史中丞任

選奏劾祥祥自申乃徙廣州語在流寓傳

齊主蕭昭業隆昌元年十月以夏六月齊蕭鸞以黃

後高宗明帝蕭鸞建武元年秋七月齊蕭鸞以東官太守臧靈智為交州刺史○八月齊蕭鸞

以輔國將軍王詡為廣州刺史時鸞廢昭業而立海

內外百官皆鸞所置冬十月鸞篡立詡尚書令晏之

弟也及為廣州多納財貨御史中丞袁昂奏之不憚

權豪齊蕭鸞召始與內史蕭季敞為南中郎司馬通鑑

鸞欲弑帝篡位恃季敞欲待其至籍其勢力以舉事

所未有也

齊建武四年春正月齊遣蕭季敞襲殺廣州刺史王詡○

秋九月齊以蕭季敞為廣州刺史通鑑初尚書令王晏為武帝所寵任

及廢爵林王晏欣然推奉上惡之殺晏詔晏之弟也復遣南中郎司馬蕭季敞襲詡殺之遂以季敞代為

刺史

齊主蕭寶卷末元年夏六月齊以始興內史范雲為廣州刺

史○刺史雲遣使祭南海孝子羅威唐頌墓文苑英華范雲

除始興郡內史表曰臣被沐恩靈棲息榮幸貶貌兢視徒襟軫慮徒售蠶管之識終沉螢燭之用不悟懸

景艷天通涇潤下月緒未交銘光再鑠脩鞠慙疑驩不及抃且地鄰舊越旬分故楚厥壤惟腹實邦斯大

將何以再宣王獻陶奉惠澤自內史擢刺史至廣首祭二孝子墓以勵薄俗秋九月齊徵

刺史雲下獄南史時齊大臣江祐熒弟徐執為曲江令祐私以託雲有譚儼者縣之豪族夔

鞭之儼以為耻至都訴雲雲坐徵還下獄會赦免冬十月齊以始興內史顏

翻為廣州刺史征虜將軍沈陵為越州刺史○十一

月齊西江督護周世雄殺前刺史蕭季敞南齊書世雄

龍之子也為西江督護季敞北還時值陳顯達反世雄稱季敞同逆殺之傳首京師齊刺史

翻討世雄殺之

齊末元冬十二月齊始興內史王僧粲起兵應安成

太守劉希祖討蕭衍齊書蕭衍起兵廢齊主寶卷而

刺史揚公則帥師赴夏口寶融參軍劉坦行湘州事

發人丁連粗米三十餘萬斛致之衍師寶卷遣安成

太守劉希祖破西臺移檄湘部於是僧粲起兵應之

邵陵永陽桂陽并應僧粲諸郡悉皆降起僧粲自號

平西將軍湘州刺史坦遣將尹法略巨僧黎相待

累月及建康城平公則還州黎衆乃散還始興

齊末元三年三月以後春二月己未月掩斗衡○齊

和帝蕭寶融中興元年以威烈將軍胡元進為廣州刺史受命不行三月以

驃騎將軍沈徽孚代之齊書是月江揚兵起梁王蕭

陵遂入建康廢寶卷為東昏侯吳越

侶亂嶺海盜起月掩斗衡之應也

齊中興二年春三月齊以冠軍將軍鄧元起為廣州刺史

尋徵為給事黃門侍郎蕭衍之

梁高祖武帝蕭衍天監元年夏四月梁以齊前廣州刺史范雲為

吏部尚書梁書雲高祖佐命功臣拜散騎常侍吏部

饋餉然家有蓄積即梁封驍騎將軍馮道根為增城

散之親友二年卒

縣男○冬十月以待詔王僧孺為南海太守語在本傳

梁天監二年夏五月梁斷郡縣獻奉○梁廣州刺史樂藹

誅前刺史徐元瑜南史藹天監初遷御史中丞二年

刺史徐元瑜罷歸遇始典人士反因掠元瑜財產元

瑜定歸廣州借兵於藹托欲討賊而實謀襲藹藹覺

之梁加刺史藹號征虜將軍○冬十一月梁徵太守

僧孺為尚書郎郡民詣闕請留不許

梁天監四年夏六月徙尚書左丞范縝于廣州梁書侍中

朝會辭疾不登殿以人不敬免為庶人至是高祖譴

群臣於華光殿問以得失尚書左丞范縝起曰王亮

頗有治實陛下棄之是愚臣所不知也上不說御史

奏晉以明罰况縝附下訕上毀譽自

口者哉遂坐亮徙廣州語在流寓傳

梁天監五年夏四月梁分湘廣二州置東衡州改始興為正階縣又

置安秋七月丙寅梁分廣州置桂州俱語在沿革○

梁天監六年梁以豫章內史蕭昌為廣州刺史以輔國將軍任明年

進號征遠將軍昌梁主族弟也非贊故書自後子第多為州者民始病矣

梁天監八年梁徙蕭昌為衡州刺史尋坐罪免以左民尚

書柳惲代之梁書以昌為持節督廣州之綏建湘州之始安諸軍事信武將軍衡州刺史坐

免昌為人亦明悟然性好酒酒後多過在州郡每醉輒徑出入人家或獨詣草野其於刑戮頗無期度醉

時所殺醒或求焉亦無悔也屬為有司所劾入留京師忽忽不樂遂縱酒虛昏在石頭東齋引刀自刺左

右救之不殊惲有詩名自吳興太守徵始興鳳凰見為散騎常侍遷左民尚書至是代昌

韶州志鳳翔下始興縣東一里

梁天監十三年梁以衡陽嗣王元簡為廣州刺史梁書元簡武帝第四

弟揚之子也除會稽太守入為給事黃門侍郎出為持節都督廣交越三州諸軍事平越中郎將廣州刺

史梁以宣城太守何遠為始興內史語在名宦傳

梁天監十五年梁徵刺史元簡為太子中庶子

梁天監十六年梁廣州流人王貞秀參軍杜景謀襲州城長

史蕭昂討斬之梁書江州刺史王茂卒其子貞秀以

留廣州乃潛結仁威府中兵參軍杜景欲襲州城長史蕭昂討之景魏降人與貞秀同戮梁以輕

車將軍蕭昂為廣州刺史梁書昂字子明梁徵始興

內史遠為給事黃門侍郎

梁普通二年梁以蕭昂為散騎常侍○梁分廣州翁源清

遠立清遠郡

梁普通四年夏六月乙丑梁分廣州置成州南定州合州

建州梁書大清中改合州為南合州魏書魏於南陽置廣州東魏於襄城亦置廣州是後南北州名

不可勝記續大事記解題按州郡志地里參差其詳難舉實由各號屢易境土屢分或一郡一縣割成四五四五之中亟有離合千四百改巧曆不筭尋校推求未易精悉書地之法當存舊繫惟削浮沒徼而已

梁普通六年春三月己巳梁以魏征虜將軍元景隆為廣州刺史

州刺史梁主好寵魏降將故擢用景隆封沔陽縣公邑千戶出為持節都督廣越交桂等十三州

諸軍事平越中郎將廣州刺史開邊釁以致鄰寇其後侯景之亂兆此矣北史景隆之行也梁主宴于便殿率群臣賦詩送之

梁大通元年梁衡州都督欽討陽山始興叛蠻平之梁欽屢有戰功詔假欽節都督衡州三郡兵討桂陽陽山始興二郡叛蠻至即破之賊平封安振縣男梁以歐陽頹為清遠太守

清遠太守陳書蘭欽少與頹相善故頹常隨欽征討欽督衡州仍除

梁大通六年夏四月丁卯熒惑在南斗梁書占曰熒惑出入留舍南斗中有賊臣謀反天下易政改元其年十二月蘭欽帥兵破魏將取此深州而嶺南賊起後竟殺欽又明年改元

梁中大通三年梁徵刺史景隆為侍中安右將軍○梁流人

蕭正則謀襲廣州不克伏誅南史前樂山侯蕭正則坐匿劫盜削爵徙鬱林

帝敕廣州日給酒食正則滋怨諸父與西江督護新山顧通寶招誘亡命將襲番禺未及暮而事發鳴鼓

帝敕廣州日給酒食正則滋怨諸父與西江督護新山顧通寶招誘亡命將襲番禺未及暮而事發鳴鼓

會將攻州城刺史元景仲命長史元孝深討梁以豫
之正則敗逃于厠村人縛送之詔斬於南海梁以豫
章內史蕭勵為廣州刺史南史勵宗室吳平侯景之

慟嗚咽傍人亦為流涕累遷右郡以善政稱在豫章
道不拾遺男女異路遷廣州刺史去郡之日吏人悲
泣數百里中舟乘填塞各齎酒肴
以送屬人為納受隨以錢帛與之

梁中大梁刺史勵始貢獻方物語在本傳
通四年梁徵刺史勵還朝○江西俚帥陳文徹寇高
通六年

要

梁大同 春正月梁復以蕭勵為廣州刺史招諭陳文
元年

徹降○夏六月梁立高州於高梁郡以孫罔為高州
刺史○秋七月梁徵刺史勵為太子左衛率○陳文

徹復反犯廣州○冬十二月梁蘭欽破廣州俚帥陳
文徹擒之梁書欽以取魏北梁州功拜衡州刺史述

取獲不可勝計獻大銅鼓累代所無歐陽頔
預其功徵欽為左衛將軍頔為直閣將軍

梁大同 夏四月梁以安南將軍蘭欽為廣州刺史○

梁刺史欽為前刺史蕭恬所殺梁書欽將集廣兵征

行欽既至任所前刺史南安侯恬權行州事與得郎
真聞欽至厚貨厨人塗刀以毒藥劑瓜進之欽及愛
妾俱死帝聞之大怒檻車徵恬削爵土時頔 梁以待
除臨賀內史啓乞送欽喪還都然後之任

中右衛將軍元景仲為廣州刺史梁書景仲景隆之
進宣惠 弟也封枝江郡公
將軍 梁大同 梁徵刺史景仲為侍中左衛將軍
四年

梁大同五年春正月梁以河東王譽為廣州刺史○冬十

月辛丑彗出南斗文獻通考彗出南斗長一尺餘東南指漸長一大餘占曰吳越有兵

其後李賁稱帝於交州發吳越兵討之梁刺史譽稱疾還朝

六年梁以南海太守王勵行廣州事梁書時河東王譽為廣州

刺史以勵為長史南海太守譽至嶺南多所侵掠因懼罪稱疾委州還朝勵行廣州府事以清白著稱時

州將周文育累征有功勵以為南海令久之徵勵為給事黃門侍郎梁以新喻侯蕭映

為廣州刺史梁書王勵被徵始以映代譽

七年冬十二月梁交州李賁反刺史蕭諮出奔越

州遣越州刺史陳侯等會廣州兵討之通鑑交址李賁世為豪右

仕不得志有并詔者富於詞藻詣選求官吏部尚書蔡樽以并姓無前賢除廣陽門郎詔耻之賁與韶還

會交州刺史武林侯諮以刻暴失衆心時賁監

德州因連結數州豪傑俱反諮輸賄于賁得奔越州

賁賁後檄啓事皆詔之辭也上遣越州刺史陳侯羅

州刺史齊巨安州刺史李智愛州刺史阮漢同征李

賁諮又奔廣州依蕭映上遣諮與映會兵討之陳書

初盧安與為廣州南江督護杜僧明與兄天合及周

文育並為安與所啓請與俱行僧明兄弟類征徠僚

有功安與死復副其子子雄拜新州刺史至是

臺遣子雄與高州刺史孫問討賁時春草已生瘴厲

方起子雄請待秋討之刺史蕭映不聽諮又從促之

子雄等不得已遂至合浦死者十六七衆並瘴役潰

散禁之不可乃引其餘兵退還諮啓子雄及問與賊

交通逗遛不進梁主救於廣州賜死

梁大同八年冬十二月梁盧子略等反攻廣州叅軍陳霸

先討平之以霸先為西江督護高要太守陳書蕭映以霸先為

中直兵叅軍隨府之鎮映令霸先招集士馬衆至千

廣通元年

卷之三

三

計平之尋監西江督護高安太守是年盧子雄誅死其家屬尚在江第子畧子烈並豪傑與孫同子姪及其主帥杜天合杜僧明周文育等結盟復讐奉子畧為主以攻刺史蕭暎子畧頻城南天合頓城北僧明周文育分據東西夷人並應之一日之間衆至數萬遂執南江督護沈攸之取舊時部曲進寇廣州晝夜苦攻州中震恐暎憂念成病不能軍惟主簿蕪府中兵參軍沈恪拒戰有功霸先在高要聞事起帥精兵三千卷甲兼行以救之頻戰屢捷天合中流矢死賊衆大潰生擒文育僧明遂降霸先並釋之引為主帥

梁大同秋九月梁以陳霸先為直閣將軍封新安子

陳書廣州之功梁武帝深歎異焉授直閣將軍封新安子仍遣畫工圖霸先容貌觀之冬刺史暎卒陳霸先護喪北還南史其冬暎卒蓋曰寬侯

梁大同春二月梁以直閣將軍陳霸先為交州司馬

領武平太守討李賁會諸軍發自番禺通鑑李賁自稱越帝置百

官改元天德以并詔為丞相陳侯等無功遁還廣州大震於是上遣交州刺史楊標討賁霸先送蕭暎喪還都至大庾嶺會有詔以霸先為交州司馬與暎南討霸先益招勇敢器械精利標喜曰能滅賊者必陳司武也委以經略霸先遣兄子舊携其妻章氏子昌由海道歸于長城遂與衆軍發自番禺時并詔病死賁失謀主以至於敗

梁大同春三月梁省廣越諸州屯邸治渡戍邏不便於民者梁書詔尚書州郡條奏上聞夏六月陳霸先敗李賁於交州陳書六月軍至交州賁衆數萬於蘇歷江口立城柵以拒官軍標推霸先為前鋒所向摧陷賁走與敵湖於屈篠界立此大造船艦克塞湖中衆軍憚之頓湖口不敢進霸先謂諸將曰我師已老將士疲勞歷歲相持恐非良計且孤軍無援入人心腹若一戰不捷豈望生全今籍其屢奔人情未固夷獠烏合易為摧殄正當共出百死決力取之無故停留時事去矣諸將皆默然莫應是夜江水暴起七丈注湖中奔

流迅激霸先勒所部兵乘流先

進眾軍鼓譟俱前賊眾大潰

梁中大春正月梁陳霸先從交州刺史楊暕討李賁

平之陳書賁入新昌屈僚洞中屈僚斬賁傳首建康

梁中大梁以合州為南合州

梁太清元年春三月梁以陳霸先為振遠將軍西江督護

高要太守督七郡諸軍事通鑑李賁兄天寶遁八九真收餘兵二萬圍愛州霸

先討平之詔以霸先為西江督護高要太守督七郡諸軍事

梁復以元景隆為廣州刺史未至卒以其弟景仲代之

梁太清二年冬梁元景仲叛陳書侯景以魏降將叛梁寇京師陳霸先欲起兵赴援景使人誘廣州刺史元景仲曰公魏宗室也許奉以為

啓外臣等密議戒嚴

梁太清三年春二月梁遣超武將軍歐陽頔征討廣衡二

州山賊陳書時湘衡之界五十餘洞不賓勅令衡州刺史常粲討之粲委頔為都督悉皆平殄粲

啓武帝稱頔誠幹降詔褒賞仍加超武將軍征討廣

衡二州山賊侯景構逆粲自解任還都征景以頔監

衡州秋七月梁高要太守陳霸先討景仲誅之逃定州

刺史蕭勃為刺史陳書七月集義兵於南海馳檄以討景仲曰朝廷以景仲與賊合從

謀危社稷今遣曲江公勃為刺史鎮無此州軍已頓

朝亭矣景仲所部聞之皆棄景仲而散景仲窮蹙縊

于閣下霸先迎勃鎮梁前高州刺史簡裕作亂據始

與郡遂攻衡州陳霸先帥兵往平之以霸先監始興

郡事通鑑裕欽之弟也起兵與其諸弟攻始興內史蕭紹基奪其郡入據之遂誘始興等十郡攻監

衡州事歐陽頔裕以兄欽與頔有舊遣招之不從頔
 乃謂使者云高州兄弟隆顯莫非國恩今應赴難援
 都豈可自為跋扈廣州刺史蕭勃使霸先救之悉擒
 裕等勃因以霸先監始興郡事霸先入援京邑將至
 始興頔乃深自結托裕敗後霸先以王冬十月陳霸
 懷明為衡州刺史遷頔為始興內史
 先起兵於始興討侯景通鑑霸先既得郡結郡中豪
 傑欲討侯景郡人侯安都張
 偃等各衆千餘人歸之霸先遣主帥杜僧明將二千
 人頓於嶺上始興內史歐陽頔率兵度嶺以助霸先
 廣州刺史蕭勃遣人止之曰侯景統雄天下無敵前
 者援軍十萬士馬精彊猶不能克君以區區之衆將
 何所之如聞嶺北王侯又皆鼎沸親尋干戈以君踈
 外詎可暗投未若且留始興遙張聲勢保太山之安
 也霸先曰僕荷國恩往聞侯景渡江即欲赴援遭值
 元蘭梗我中道今京都覆沒君辱臣死誰敢愛命君
 侯體則皇枝任重方岳遣僕一軍猶賢乎已乃更止
 之乎即遣使問道詣江陵受湘東王繹節度時南康
 王豪蔡路養起兵據郡勃乃以腹心譚梁湘東王繹
 世遠為曲江令與路養相結同遣霸先

召羅州刺史徐嗣徽帥師討侯景會大都督王僧辯

于巴陵

梁太宗簡文帝春正月梁陳霸先發始興以陳擬為

羅州刺史通鑑陳霸先發始興至大庾嶺蔡路養將

訶年十三單騎出戰無敢當者比僧明馬被傷霸先

救之授以所乘馬僧明上馬復戰衆軍因而乘之路

養大敗脫身走霸先進軍南康淮東王繹承制授霸

先明威將軍交州刺史陳擬者霸先疎屬也少孤貧

性質直彊記霸先南征交趾擬從焉至是以擬二月

為羅州刺史與胡頔共知後事并應接軍糧二月

梁以歐陽頔為東衡州刺史陳書湘東王繹承制以

為雲麾將軍東衡州刺史封新豐縣伯侯景平改刺

縣夏五月高州刺史李遷仕反高涼太守馮寶妻沈

侯

氏襲擊大破之通鑑初燕王馮弘奔高麗使其族人

會自業至孫融世為羅州刺史融子寶為高涼太守高

涼氏世為蠻首部十餘萬家有女多籌略善用

兵諸洞皆服其信義融聘以為寶婦融雖累世為方

伯非其土人號今不行先氏約東本宗使從禮每與

寶參決辭訟首領有犯雖親戚無所縱舍由是馮氏

始得行其政高州刺史李遷仕據大臯口遣使召寶

寶欲往先氏止之曰刺史無故不應召太守必欲詐

君共反耳寶曰何以知之先氏曰刺史被召援臺乃

稱有疾鑄兵聚衆而後召君此必欲質君以發君之

兵也願且無往以觀其變數日遷仕果反遣主帥杜

平虜將兵入巔石城魚梁以逼南康霸先使周文育

擊之先氏謂寶曰平虜驍將也今入巔石與官軍相

拒勢未得還遷仕在州無能為也君若自往必有戰

聞宜遣使卑辭厚禮告之曰身未敢出欲遣婦參彼

聞之必熹而無備我將千餘人步擔雜物唱言輸賂

得至柵下破之必矣寶從之遷仕果不設備先氏襲

擊大破之遷仕走保寧都文育亦擊走平虜據其城

先氏與霸先會于巔石還謂寶曰陳都督非常人也

甚得衆心必能平賊君宜厚資之湘東

王繹以霸先為豫州刺史領豫章內史

秋七月梁杜

僧明周文育擒李遷仕送于霸先

陳書李遷仕棄大

必能抗敵平虜為前軍擊破欲就寧都杜僧明往援

別破遷仕水軍遷仕衆潰走新淦又追之遂擒遷仕

送于霸先軍湘東王承制以僧明

為新州刺史文育為義州刺史

冬十二月壬辰梁

以蕭勃為廣州刺史

南史時湘東王繹在荊州雖承

制授職力不能制霸先遂從之

梁世祖孝元帝春二月梁建安太守謝嘏奔于廣州

蕭繹承聖元年

南史奔廣州依蕭

勃勃敗在周迪門

夏四月梁刺史勃以謝嘏為南海

太守

○六月梁東衡州刺史王懷明作亂刺史勃討

平之

詔以王琳

秋七月梁以太子中舍人江撝為始

興內史

陳書侯景寇京

都詔以撝權兼太常卿守小

廟臺城陷撝避

難崎嶇累年在會稽郡聞第

九舅蕭勃據廣州又往依焉侯景平徵摠為明威將軍始與內史以郡秩米八百斛給摠行裝會江陵陷遂不行自此流寓嶺南積歲

梁承聖二年梁遣參軍岑之敬使廣州陳書是時蕭勃據嶺表勅之敬宣旨

慰諭會江陵陷仍留廣州大建初乃還

梁承聖三年夏五月梁以衡州刺史王琳為廣州刺史不

克赴鎮以東官太守孫瑒行廣州刺史事南史時蕭勃在廣州

兵強位重梁主繹甫定江表深患之以王琳代為刺史以勃為晉州刺史琳謂人曰今天下未定遷琳嶺

南如有不虞安得琳力勃方遷居琳已至小桂嶺遣其將孫瑒監州先行據番禺勃盡率部下至始興避

琳兵鋒始與太守歐陽頎別據一城不往謁勃閉門高壘亦不拒戰勃怒遣兵襲頎盡收其貲財馬仗尋

赦之還復其冬十一月魏圍江陵梁徵刺史琳入瑗所復與結盟

南史魏克江陵執梁主以歸殺之琳將兵自小桂北下至蒸城聞江陵已陷為世祖發哀三軍縞素孫瑒

聞之棄廣州還於是蕭勃猶據廣州

梁敬帝蕭方春二月梁加蕭勃司徒鎮南將軍仍為

廣州刺史通鑑東衡州刺史歐陽頎

梁太平二年十月以後陳高春二月梁刺史勃舉兵

討陳霸先霸先遣平西將軍周文育帥諸軍討之南

時陳霸先將禪代勃舉兵度嶺出南康遣其帥衡州刺史歐陽頎

州刺史徐孝頃以兵會之梁詔平西將軍周文育平南將軍侯安都率眾軍南討時歐陽頎為前軍都督

頃兵豫章之苦竹灘文育軍於巴山擊破之三月梁周文育執頎送于建康

霸先釋之○前衡州刺史譚世遠攻勃于始興勃敗

死梁書文育前軍丁法洪於贛口生俘傳泰於是蕭
 文育遣嚴威將軍周鐵虎與長史陸山才襲領擒之
 於是盛陳兵甲與領乘舟而譙以巡傳泰城下因而
 攻泰克之蕭勃在南康聞之衆皆股慄莫能自固湘
 州刺史陳法武前衡州刺史譚世遠於始興攻勃殺
 之勃先遣侯安都攻蕭孜孜降余孝頃退走新吳廣
 州平夏四月癸酉曲赦江廣衡三州并督內為勃所
 拘逼者並皆不問未幾勃帥前直閣蘭散
 殺譚世遠散仍為亡命夏侯明微所殺
 夏四月梁

李寶藏奉懷安侯蕭任據廣州霸先復以歐陽頌為

衡州刺史使討嶺南梁書時侯安都進軍命孝頃棄

頃復請降於是勃故記室李寶藏立任據廣州通鑑

霸先以歐陽頌聲著南土復以頌為衡州刺史使討

嶺南九月梁陳霸先諭嶺南酋豪皆降文苑英華徐陵

酋豪書大畧言吾以庸薄叨秉國鈞自東夏崩騰西

京蕩發身惟許國任在勤王宣力皇家靡有寧歲一

還京師保持鴻業職歎明夷不日清珍今所擒歐陽

頌傳泰莫不弘宥處以榮祿君之聞此寧不欣躍但

昔錄王事游踐貴鄉日想山川依然舊識君之才具

信美登朝如戀本鄉不能游宦門中子弟望遣來儀

當為申聞各處秩位深加將保念嗣音郵尚帥聞之

莫不歸降待命是時霸先進丞相為相國總百揆封

陳公冬十月進爵為王梁敬帝禪陳以王勣為廣州

刺史不克赴鎮陳書時王琳據有上流勣不待之鎮

侍中陳遣衡州刺史歐陽頌討嶺南餘寇平之陳書高

討定餘寇未至嶺南頌子紘已克始興及頌既至

嶺南諸郡皆攝伏請降仍進兵廣州廣州悉平

陳末定春正月陳以歐陽頌為都督交廣等十九州

諸軍事廣州刺史陳書頌盡有越地改授都督廣交

利安石數十九州諸軍事鎮南將軍平越中郎將使

特節通直散騎常侍始興縣侯王琳立梁末嘉王蕭

莊為帝以奉梁祀據有中流夏五月刺史頽以童華

署南海太守○冬陳高涼太守馮寶卒通鑑高涼太守馮寶卒海

隅擾亂寶妻先氏懷集部落數州晏然其子僕生

九年是歲僕帥諸酋長入朝詔以僕為陽春太守

梁未定春正月陳加刺史頽開府儀同三司陳書進

常侍增都督衡州諸軍事郎本號開府儀同三司是

夜大雪及旦太極殿前有龍跡見頽聞之遂萌獻瑞

之事甲午陳廣州言白龍見陳書廣州刺史歐陽頽表稱白龍見于州江南

岸長數十丈大可八九圍歷州城西道入天井岡僊

人見于羅浮山寺小石樓長三丈所通身潔白衣服

楚秋七月陳加刺史頽征南將軍封陽山郡公陳書

震秋七月陳加刺史頽征南將軍封陽山郡公陳書

四十五百戶又給鼓次一部陳世祖文帝陳

夏五月乙卯陳復置東衡州通鑑侯

安都父

文世為始興內史卒官上迎其時還建康母固求停

鄉里上分衡州之始興安遠二郡置東衡州以安都

弟曉為刺史

陳天嘉春二月陳加刺史頽征南大將軍秋九月壬

戌頽卒陳書頽弟盛遂皆為刺史合門顯貴名振南

有助軍國卒年六十陳以歐陽紇為廣州刺史襲封

六贈司空謚曰穆陽山郡公陳書紇頽有幹略頽之子也頽薨紇嗣由

諸軍事會東陽太守留異冬十月陳以前始興內史

叛帝詔紇會兵討之有功

江揔為黃門侍郎陳書揔以黃門侍郎

徵還朝直侍中省事

梁天嘉陳以臨海太守錢道戢為東衡州刺史領始

興內史

十年

與內史

陳主陳伯宗 陳加刺史紇輕車將軍陳書紇在州十餘年威惠著於

百越進號

陳高宗宣帝陳 春正月陳以護軍將軍沈恪為廣州

刺史陳書恪為荆州刺史高宗即位加散騎常侍都督廣衡東衡交越成定新合羅愛德宜黃和安

石雙等十八州諸軍事鎮南將軍廣州刺史恪 陳徵

未至嶺前刺史歐陽紇舉兵拒險恪不得進

歐陽紇為左衛將軍冬十月紇據廣州反陳遣車騎

章昭達討之陳書高宗以紇久在南服頗疑之下詔徵為左衛將軍紇不欲就徵其部下多

勸之反遂舉兵攻衡州刺史錢道戢道戢

告變乃遣儀同章昭達都督衆軍討之 陳遣中書

侍郎徐儉使廣州陳書紇舉兵反高宗令儉持節喻儉曰呂嘉之事誠當已遠將軍獨不見周迪陳寶應

乎轉禍為福末為晚也紇默然不答懼儉沮其衆不

出見儉儉謂之曰將軍業已舉事儉須還報天子儉

之性命雖在將軍將軍成敗不在於儉幸不見留紇

於是乃遣儉從間道馳還高宗乃命章昭達率衆討

紇仍以儉悉其形 陳陽春太守馮僕以兵拒紇隋書

勢勅儉監昭達軍 夫人曰我為忠貞經今兩代不能惜汝輒負國家遂

發兵拒境帥百越 陳大建 春二月陳章昭達擒紇送建康伏誅廣州平

陳書昭達倍道兼行至始興聞昭達奄至恒擾不

知所為乃出屯涯口多聚沙石盛以竹籠置於水柵

之外用過舟艦昭達居上流裝艦造拍以臨賊柵又

令軍人銜刀潛行水中以斫竹籠籠篾皆解因縱大

艦隨流突之賊衆大敗生擒紇送之斬于建康市家

口盡誅惟子詢以幼得免廣州平○初太子舍人陳

邵敬流寓嶺表在廣州依歐陽頔頔卒子紇有異

陳書昭達

事已

一

年徵為太子中庶子尋充散騎常侍蕭陵蕭引前刺
 史惠休族子也侯景之亂往依歐陽頔頔卒引疑統
 異圖因事規正由是情禮漸疎及統反時都下土人
 岑之敬公孫挺等並惶駭唯引怡然謂曰管幼安袁
 暉卿亦但安耳君子正身以明道直己以行義何憂
 之有及章昭達平番禺引始北還拜尚書金部侍郎
 文苑英華徐陵與昭達書聖朝受命天下廓清所
 餘殘亮唯有歐陽紇南通交愛比據衡疑凡弟叔姪
 盤阻川洞百越之費不供王府萬里之民不出國賦
 明公受服嚴冬持兵秒歲開春水踐露宿炬火宵行
 便留含滙乃甚神速未駟三略非勞六奇薄交旗鼓
 仍平醜類自太清之末求定己來所關疆界不遇部
 邑今茲赴援二十餘州若較此功庸方茲英力漢之
 馬援不能為嶽吳之步騭故是相懸公私慶快豈可
 具言且僕一子也窮妖徒所制五嶺遐復存亡不測
 玄懷飲淚破膽復全蒙荷英恩保其身命餘年仰戴
 何力能勝今遣主帥馳陳封馮僕為信都侯其母先
 往稱慶儉乃陵之子也通鑑馮僕以其母功封信都侯
 氏為石龍郡太夫人遷石龍太守遣使持節冊命洗

氏為石龍太夫人賜繡幃油絡馬安車一乘給
 鼓吹一部并厝陞旌節其鹵簿一如刺史之儀

遣中書舍人周確慰勞廣州陳書確汝南安城人為

去職歐陽紇平起為中書舍人命於廣州慰勞服闋
 為太常卿時有陳留阮卓者素有孝行為晉安王府

記室平嶺南後交趾火篠往往相聚為寇抄卓奉使
 招慰交趾通日南象郡多金翠珠貝珍怪之產前後

使者若致之唯卓挺身而還三月陳曲赦廣州

衣裝無他時論咸大其庶陳書後主即位冬十月陳

三年春陳徵太守華還陳書後主即位冬十月陳

徵廣州刺史沈恪為領軍將軍以南康王方泰為廣

州刺史陳書紇平恪乃得八州罷兵荒所在殘毀

徵為領軍將軍及代還以途遠不特至為有司所奏免

陳大建秋八月陳刺史方泰坐罪免陳書方泰少粗

六年廣及為政殘暴

為有司所奏免官冬十二月陳以長沙王叔堅為廣州刺史

以南海太守沈君理行廣州事辭不就

陳大建八年夏六月陳以刺史叔堅為合州刺史以沈君

高為廣州刺史

陳書叔堅少桀黠凶虐使酒為州無狀故以君高代之

陳大建

陳刺史君高卒

陳書嶺南俚僚世相攻伐君高本文吏無武幹推心撫御

甚得民和陳以馬靖為廣州刺史

陳大建

夏四月陳分東衡州安遠郡屬西衡州

陳主陳叔寶

陳封子虔為南海王

陳書後主第五子也

陳遣中

書舍人蕭引使廣州刺史馬靖遣子弟入質

語在流寓傳

陳至德二年陳主以智武將軍陳芳慶為廣州刺史使襲

前刺史馬靖殺之

陳書方慶南康王方泰弟也為智武將軍武州刺史初廣州刺史馬

靖久居嶺表大得人心上馬強盛兵甲精練數有戰

功朝廷疑之至是以方慶為仁威將軍廣州刺史以

兵襲靖靖誅進號宣毅將軍

陳書叔坦高宗第三子也是年廣州

陳至德四年陳封弟叔坦為新會王

陳禎明

冬十月陳殺前南海太守章華

語在流寓傳

陳禎明

春正月隋師滅陳陳衡州刺史王勇襲殺刺

史方慶

陳書隋師濟江衡州刺史王勇遣高州刺史

討諸軍事是時隋行軍總管高光帥兵度嶺宣隋文

舊職方慶聞之恐勇賣已乃不從率兵以拒智烈智
烈與戰敗之斬方慶於廣州勇太建中為晉陵太守
在職有能名方慶之襲馬靖也朝廷以勇為超武將
軍東衡州刺史領始興內史以為方慶聲勢靖誅以
功封龍陽縣子及隋軍臨江詔授勇使持節光勝將
軍總督衡廣交桂武等二十四州諸軍事平越中郎
將仍入授會京城陷勇因移檄管內徵兵據守使其
同產弟鄧高將兵五千頓于嶺上又遣使迎方慶欲
假以為名而自執兵要及方慶敗績虜其妻子收其
貲產分賞將帥○衡州司馬任瓌勇甚敬之屬隋師
為帝勇不能用瓌即棄官去 陳高涼郡太夫人洗
氏以兵迎隋將常洸入于廣州王勇降于隋陳書王
勇又令

其將王仲宣魯孝武迺西衡州刺史衡陽王伯信伯
信懼奔清遠孝武追殺之是時常洸兵已至嶺豐州
刺史鄭萬頃據州不受勇召豫章太守徐瑩據南康
拒洸洸等不得進嶺南數郡共奉洸氏為主號聖母
保境拒守隋晉王廣遣陳叔寶遺夫人書諭以國亡
使之歸隋夫人集首領數千人盡口慟哭遣其孫馮
尸以其眾降行至荆州道病卒隋贈大將軍隋柱國
常洸安撫嶺外降之隋書洸性剛毅有器幹少使古
馬擊斬徐瑩遂進圖嶺南上遣

洸書曰公鴻勳大業名高望重率將戍旅無慰彼方
風行電掃咸應稽服若使干戈不用兆庶獲安方副
朕懷是公之力至廣州說諭嶺南諸州使王勇下之
嶺表皆定上聞而大說許以便宜從事於是洸表馮
魂為儀同三司冊洸 隋以常洸為廣州總管隋書洸
所綏集

氏為宋康郡夫人 冬十月番禺俚帥王仲宣反圍廣州隋
廣州總管 拜 總管常洸死之隋書仲宣本王勇將至是聚眾為亂
嶺南首領多應之遂犯廣州命柱國

襄陽公常洸為行軍總管涼州道黜陟大使慕容三
藏為副仲宣先以兵圍洸及三藏檢校廣州道行軍事贈
洸為流矢所中卒詔令三藏檢校廣州道行軍事贈
洸上柱國賜錦繡萬段謚曰敬子協嗣協好學有雅
量起家著作佐郎上令協齋認書問勞洸未至廣而
卒上以其父身死王事拜協柱國歷定息秦三州刺

隋高祖文帝開皇九年省揚粵州郡隋書省安遠郡

昌三縣省清遠郡置清遠翁源二縣省東官郡置增城寶安政賓三縣省緩建郡置四會化蒙二縣省新

會郡置新會義寧二縣省高興郡置電白石龍吳川海安四縣省高要晉康宋隆新寧四郡置高要端溪

平興新興四縣省陽山郡置廣循二州總管隋書平

置桂陽陽山連山三縣州總管于龍

州總管于始興循州總管于南海

開皇十年春行軍副總管慕容三藏大破仲宣兵廣

州圍解隋書賊衆四面攻圍三藏固守月餘城中糧

出突圍擊之賊衆潰散廣州獲全以功遣給事黃門

授大將軍賜奴婢百口加以金銀雜物

侍郎裴矩巡撫嶺南矩及大將軍廉愿會馮盎兵討

仲宣平之隋書裴矩好學有智數奉詔巡撫嶺南行

其所部將周師舉圖東衡嶺與大將軍廉愿赴之

賊立九柵屯大庾嶺共爲聲援矩進擊破之賊懼釋

東衡州據原長嶺又擊破之遂斬師舉進軍自南海

援廣州○時高涼先氏遣孫暄師救洸暄與逆黨

陳佛智素相友善遲留不進夫人知之大怒遣使執

暄繫於州獄又遣孫盎出討佛智與戰斬之進兵至

南海與廉愿軍會共敗仲宣仲宣衆潰從裴矩巡撫二

人親被甲乘介馬張錦傘領毅騎衛從裴矩巡撫二

十餘州其養裕等州首領陳坦等皆來參謁矩承制

署爲刺史縣令使還統其部落嶺表遂定矩復命上

大悅命升殿勞之顧謂高頻揚素曰常光將二萬兵

不能早度嶺朕每患其兵少裴矩以三千弊卒徑至

進封冼氏爲譙國夫人通鑑論平廣州功拜馮盎高

管譙國公冊先氏爲譙國夫人開譙國夫人幕府置

長史以下官屬官給印章聽發部落六州兵馬若有

事紀二

事紀二

機急便宜行事仍執以夫人誠效之故特赦暄罪拜
 羅州刺史皇后賜夫人首飾及宴服一襲夫人並盛
 於金篋并梁陳二朝賜物各藏一庫每歲時大會皆
 陳于庭以示子孫曰汝等宜盡赤心向天子我事三
 代主惟用一忠願汝嘗思念之以王長述為廣州刺
 史隋書王長述拜司憲大夫出拜廣州刺史其有威
 惠吏人懷之在任數年蠻夷歸之者三萬餘戶朝
 議嘉之拜大將軍後歷襄仁二州總管並有能冬十
 名後數歲以行軍總管擊南寧未至道病卒

月陳陽山太守毛爽降于周法尚隋書法尚為永州
 總管安集嶺南爽

尚降安州俚帥寧猛力降北史時有寧猛力者與陳
 相在陳世已據南海西路溪峒平曠

後高祖因而撫之即拜安州刺史

開皇十一年廣州總管趙訥免隋書時番禺總管趙
 訥貪墨諸俚僚多亡
 叛夫人遣長史張融上封事論安撫之宜併言訥罪
 狀不可以招懷遠人上遣使推訥得其贓賄竟致於

法降教與夫人招慰亡叛人親戴詔書自稱使者
 歷十餘州宣述上意諭諸俚僚所至皆降上嘉之賜
 夫人臨振縣湯沐邑一千五百戶贈僕為崖州總管
 平原郡公仁壽初卒賻物一千段謚為誠敬夫人

開皇十四年春二月廣州總管田式有罪免隋書式
 為襄州

刺史坐酷罷歸後復用于廣州廣人夏六月詔給嶺
 苦之至是以罪黜命下式先卒于官

南省府州縣公麟田隋書令有司不得
 治生與民爭利冬閏十月詔

立南海祠隋書禮儀志詔南海於
 南海鎮南並近海立祠

開皇十五年徙海州刺史房恭懿于嶺南隋書恭懿
 洛陽人初

為吏部尚書蘇威所薦為德州司馬盧愷考其政為
 天下之最詔拜德州刺史會國子博士何妥讚之恭
 懿竟得罪配防嶺南未幾徵還京

師行至洪州遇患卒論者寃之

開皇十七年春二月遣桂州總管周法尚發嶺南兵

討俚帥李光仕斬之尋改安州為欽州通鑑桂州俚

亂帝遣桂州總管周法尚發嶺南兵行軍總管上柱

國王世積發嶺北兵法尚敗光仕追斬之上以嶺南

夷越數反以令孤熙總十七州諸軍事許以便宜從

事安州刺史寧猛力恃險倨未嘗參謁熙論以恩

信猛力感之詣府請謁不為非熙奏改安州為欽州

積討俚黨耿詢擒之絕倫陳末以客從東衡州刺史

王勇於嶺南勇卒詢不歸遂與諸越相結皆得其歡

心會郡俚反叛推詢為主柱國王世積討擒之詢當

誅自言有巧思世積釋之以為家奴後受天文算術

創造渾天儀給使太史局准歌器帝善之放為良民

征遼東上書知平壤之敗以詢守太史丞冬欽州刺

復知李氏當代隋而王所著有鳥情占

史寧長真入朝通鑑帝又遣員外散騎侍郎何稠募

寧猛力請隨稠入朝稠見其疾篤遣還欽州與之約

曰八九月間可詣京師相見使還奏狀上意不憚久

稠曰猛力病卒上謂稠曰汝前不將猛力來今死矣

稠曰必來猛力臨終果戒其子長真曰我與大使約

不可失信汝葬我畢宜即登路長真嗣為刺史如言

入朝上大悅曰何稠著信蠻夷乃至於此

開皇十八年春正月辛丑詔括江南大船隋書本紀

之人性承弊俗所在三處私造大船因相聚結致有

侵害其江南諸州人間有船長二丈已上悉括入官

三月循州總管樊子蓋奏嶺南地圖賜良馬加統四

州語在名宦傳

仁壽元年改廣州為番州隋書上廢太子勇囚之立

有番山改為番州避廣諱也

仁壽四年秋七月流兵部尚書柳述于龍川黃門侍

郎元巖于南海

通鑑上寢疾於仁壽宮尚書左僕射

皆入閣侍疾召太子廣入居太寶殿太子無禮於陳

夫人帝怒因令述巖召廢太子勇述巖出外作勅書

揚素聞之以白太子矯詔執述巖屬吏令右庶子張

衡入寢殿俄而上崩及煬帝嗣位述巖俱除名為民

述徙龍川巖徙南海述尚蔭陵公主帝令主與述離

絕將改嫁之主以死自誓上表請免主號與述同徙

南海帝不聽主憂憤卒述在龍川數年復徙寧越遇

瘴癘死巖會赦還長安有人譖巖逃歸收而殺之巖

有女為勇子華陽王楷妃楷被幽廢妃事流故太子

楷踰謹後遇變因不食而卒聞者傷之

勇諸子于嶺外尋皆殺之○冬十月徙前刑部尚書

薛胄于嶺南隋書高祖崩於弒漢王諒舉兵時胄檢

校相州諒遣使請援於胄朝廷以胄懷

貳心鎖詣大理相州吏民素懷其恩詣闕理

胄者百餘人胄竟坐除名配防嶺南尋病卒

煬帝大業元年春正月廢廣循二州總管府○行軍

總管劉方及欽州刺史甯長真代林邑入其國而還

通鑑高祖之末群臣有言林邑多奇寶者時天下無

事劉方新平交州乃授方驩州治行軍總管經畧林

邑方遣甯長真等以步騎萬餘出越裳方親帥大將

軍張遜等以刑師出比景是月至海口林邑王梵

志遣兵守險擊走之師度閩黎江林邑兵乘巨象四

面而至方戰不利乃多植小坑草覆其上以兵挑之

既戰偽北林邑逐之象多陷地坑草覆其上以兵挑之

亂方以弩射象象却走蹂躪其陳即以說師繼之林邑

大敗俘誠萬計方引兵迫之屢戰若捷過馬援銅柱

南八日至其國都夏四月梵志棄城走入海方入城

獲其廟主十八皆鑄金尚書右丞李綱使南海還下

為之刻石紀功而還

吏免官通鑑初綱數以異議忤楊素及蘇威素薦綱

之幾死軍還久不得調威復遣綱詣南海應接林邑

久而不召綱自歸奏事威劾奏綱擅離所職下吏按

問會赦免官屏居

於鄂後為唐用番禺夷僚作亂命車騎將軍薛世

雄討平之

隋書世雄以戰功累遷儀同三司左親衛軍騎將軍煬帝嗣位番禺夷僚相聚為亂

詔世雄討平之遷右監門郎將世雄性廉謹凡所行軍破敵之處秋毫無犯帝由是嘉之一日帝謂群臣曰世雄廉正節操有古人之風於是起

拜右翊衛將軍後征各處累立大勲召番州刺史

薛道衡通鑑初內史侍郎薛道衡以才學有盛名久州刺史召之欲用為秘書監道衡既至高祖文皇帝

頌帝覽之不悅顧謂蘇威曰道衡致美先廟此魚藻之義也拜司隸流滕王瓚幼子温於南海隋書温滕大夫後竟殺之

子也於帝為從兄弟好學解屬文既而作零陵賦以自寄其辭哀思帝見而怒之轉徙南海帝之疎忌骨肉類

此

大業三年遣屯田主事常駿虞部主事王君政自南海乘舟使赤土

隋書赤土國扶南之別種也在南海中水行百餘日而達所都土色多赤

因以為號帝即位募能使絕域者至是駿與君政等請使赤土帝大悅賜駿等帛各百匹時服一襲而范

齋物五千段以賜赤土王其年十月駿等自南海郡乘舟晝夜三旬值便風而至其界其王遣婆羅門鳩

摩羅以船三十般來迎次蠡擊鼓以樂隋使進金鑠以纜驗船月餘至其都王遣其子那邪迦請與駿等

禮燕遺甚厚尋遣邪迦隋駿貢方物

大業四年徵龍川太守柳口為太常少卿攝判黃門

侍郎見名傳遣虎賁郎將陳稜等自義安浮海擊流求

隋書大業初海師何蠻等每春秋二時東望有異氣數千里三年上令羽騎尉朱寬入海求訪異俗何蠻

言之遂與蠻俱往因到流求國言不相通掠一人而返明年帝復令寬慰撫之流求不從寬取其布甲而

還時倭國使來朝見之曰此夷邪久國人所用也乃遣稜及朝請大夫張鎮周率兵自義安浮海擊之月

餘而至流求人初見船艦以為商旅往詰軍貿易遣人慰諭之流求不從拒送官軍稜率眾登岸遣鎮

周為先鋒其主歡斯渴刺梵遺兵拒戰鎮周頻破之
稜分為五軍進至其都乘勝逐北至其柵破之斬渴
刺梵獲其子島稚焚其宮室虜其男女數千人
載軍實而還白爾遂絕義安郡今潮州也

大業五年南海太守侯莫陳穎卒穎有惠政故書

大業六年春二月陳稜獻捷隋書稜與朝請大夫張

七千口願改晉康郡為南康州隋書擊流求破之獻俘

賜百官月辛酉朱崖人王萬昌舉兵作亂遣隴西太守韓洪

討平之隋書洪擒虎季弟也平萬昌以功加位金紫

平之師未放遇疾而卒

大業七年徙嗣滕王綸于朱崖隋書綸滕王瓚之長

為煬帝所鴆綸嗣封有人告其怨望呪咀除名為民
徙始安是年帝親征遼東綸欲上表請從軍自効為

部司所過未幾復徙朱崖及天下大亂為賊林士
弘所逼携妻子窟于儋耳後歸唐封懷化縣公

大業八年秋九月謫前黃門侍郎柳謩之于嶺南語在

流寓傳

大業九年夏五月丁亥熒惑入南斗

大業十一年以劉權為南海太守諭賊下之語在名

大業十二年秋七月高涼通守冼寶徹兵起嶺南溪

洞多應之書兵起者何隋煬弒父與君九月戊午有

星孛于南斗隋書有二枉矢出比斗冬十二月豫章

林士弘稱楚帝冼寶徹等附于士弘通鑑鄱陽賊帥

興王攻陷豫章邸以其鄉人林士弘為大將軍詔劉
子翽討之師乞中流矢死士弘代領其眾與子翽戰

於彭蠡湖子翊敗死士弘兵大振至十餘萬人十二月王長士弘自稱皇帝國號楚建元太平其地北自九江南及番禺皆為所有番禺俚帥高法澄兵起○南海人鄧文進兵起據廣州

大業十三年楚主林士弘畧地至番禺授洗寶徹高法澄官爵○俚酋楊世畧反據循州○梁主蕭銑畧

地至番禺鄧文進與戰敗績舊志銑梁之後都江陵

文進竟以州屬銑銑使張繡復園廟畧地至番禺仁壽擊銑不能克及隋亡乃與甯長真等率嶺南州縣降

恭帝侑義寧二年左武衛大將軍馮盎據嶺表附于

林士弘唐書盎高州良德人洗氏夫人之孫也仁壽初為宋康令潮成等五州徠叛盎馳至京師

請討之文帝詔左僕射楊素與論賊形勢素前之曰不意蠻夷中乃生是人即詔盎發江嶺兵擊賊平之拜漢陽太守從煬帝伐遼東遷左武衛大將軍隋亡奔還嶺表嘯署酋領有衆五萬以蒼梧高涼珠崖之地附於梁主遣甯長真帥師伐交趾通鑑銑士弘各遣人招交趾太守守丘和不從銑遣甯長真帥嶺南之兵自海道攻和和欲出迎之司法書佐高士廉說和曰長真兵數雖多懸軍遠至不能持久城中勝兵足以當之柰何望風受制於人和遂以士廉為軍司馬將水陸諸軍逆擊破之長真僅以身免盡俘其衆既而有驍果自江都至得煬帝凶問亦以郡附於銑始安郡丞李襲志被攻城陷為銑所虜於是東自九江南盡交趾銑皆有之勝兵四十餘萬

論曰彝倫叙教政治得失其世道升降之機乎由晉

迄隋四百有餘歲南北暫合復睽而世隨道汗蓋可

睹已吾廣界在海隅佳兵荐及氣之清淑轉為梟雄

亡異中土是故道成奮翼於始興霸先揚威於南海
龍潛虎視竟成伯業豈天亦有所矐昇而發迹於茲
耶民懼震擾不至盡劉則由保障不乏時則有若滕
脩陶侃陸微范雲王勵歐陽頎數人皆忠勤精白有
足恃者獨慨隋方混一宜多智勇然洗氏以一女子
甫出兵而王勇敗降裴矩建勸遂致馮盎竟雄茲土
隋之君臣叢脞可知矣祚類嬴秦非不幸也

贊曰金行失馭腥聞上國惟恃循良保我式廓銷器
運甃功成明作表賢化俗施及惟博陋彼霸圖中分
海嶽

廣東通志卷第四

